

2014 Rhif 2225 (Cy. 214)

ADDYSG, CYMRU

Rheoliadau Llywodraethu Ysgolion a Gynhelir (Gofynion Hyfforddi ar gyfer Llywodraethwyr) (Cymru) (Diwygio) 2014

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio Rheoliadau Llywodraethu Ysgolion a Gynhelir (Gofynion Hyfforddi ar gyfer Llywodraethwyr) (Cymru) 2013 ("Rheoliadau 2013"), sy'n nodi'r gofynion hyfforddi ar gyfer llywodraethwyr mewn ysgolion a gynhelir yng Nghymru.

Mae rheoliad 2 yn diwygio'r cyfeiriad at y ddogfen hyfforddi "Cynnwys hyfforddiant i lywodraethwyr ysgolion yng Nghymru ar ddeall data ysgolion" yn Rheoliadau 2013.

Mae rheoliad 2 hefyd yn diwygio rheoliad 5 o Reoliadau 2013 drwy roi paragraff (1) newydd yn lle'r un presennol, sy'n amlinellu pa ran o'r hyfforddiant ar ddata perfformiad ysgolion (naill ai Rhan 1 neu Ran 2) sy'n ofynnol gan lywodraethwyr ysgolion gan ddibynnu ar y math o ysgol.

Effaith y diwygiad hwn yw y bydd yn ofynnol i lywodraethwyr ysgolion arbennig cymunedol gwblhau hyfforddiant gwahanol i'r hyfforddiant ar gyfer llywodraethwyr ysgolion eraill a gynhelir.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal aseiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

2014 Rhif 2225 (Cy. 214)

ADDYSG, CYMRU

Rheoliadau Llywodraethu Ysgolion a Gynhelir (Gofynion Hyfforddi ar gyfer Llywodraethwyr) (Cymru) (Diwygio) 2014

Gwnaed 20 Awst 2014

*Gosodwyd gerbron Cynulliad Cenedlaethol
Cymru* 22 Awst 2014

Yn dod i rym 19 Medi 2014

Mae Gweinidogion Cymru, drwy arfer y pwerau yn adrannau 19 a 210 o Ddeddf Addysg 2002(1) ac adrannau 22(3) a (4) a 32 o Fesur Addysg (Cymru) 2011(2), yn gwneud y Rheoliadau a ganlyn.

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Llywodraethu Ysgolion a Gynhelir (Gofynion Hyfforddi ar gyfer Llywodraethwyr) (Cymru) (Diwygio) 2014 a deuant i rym ar 19 Medi 2014.

(2) Mae'r Rheoliadau hyn yn gymwys o ran Cymru.

(3) Yn y Rheoliadau hyn ystyr “dogfen 2013” (“*the 2013 document*”) yw'r ddogfen a gyhoeddwyd gan Weinidogion Cymru o'r enw “Cynnwys hyfforddiant i lywodraethwyr ysgolion yng Nghymru ar ddeall data ysgolion”(3).

(1) 2002 p. 32. Diwygiwyd adran 210(7) gan adran 21(1), (3)(c)(i) a (ii) o Fesur Teithio gan Ddysgwyr (Cymru) 2008 (mccc 2). Trosglwyddwyd swyddogaethau Cynulliad Cenedlaethol Cymru o dan yr adrannau hyn i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006.

(2) 2011 mccc 7.

(3) Rhif ISBN: 978-0-7504-9651-3.

Diwygio Rheoliadau Llywodraethu Ysgolion a Gynhelir (Gofynion Hyfforddi ar gyfer Llywodraethwyr) (Cymru) 2013

2.—(1) Mae Rheoliadau Llywodraethu Ysgolion a Gynhelir (Gofynion Hyfforddi ar gyfer Llywodraethwyr) (Cymru) 2013(1) wedi eu diwygio fel a ganlyn.

(2) Yn rheoliad 2 yn y diffiniad o “yr hyfforddiant ar ddata perfformiad ysgolion” (“*the school performance data training*”) yn lle “mis Medi 2013 o’r enw “Cynnwys hyfforddiant i lywodraethwyr ysgolion yng Nghymru ar ddeall data ysgolion””, rhodder “mis Awst 2014 o’r enw “Hyfforddiant i lywodraethwyr ysgolion yng Nghymru ar ddeall data ysgolion(2)””.

(3) Yn rheoliad 5 yn lle paragraff (1) rhodder—

“5.—(1) Pan fo llywodraethwr wedi ei benodi neu ei ethol i gorff llywodraethu ar ôl i’r Rheoliadau hyn ddod i rym, rhaid i’r llywodraethwr hwnnw, cyn pen blwyddyn ar ôl cael ei benodi neu ei ethol (p’un bynnag yw’r diweddaraf) (“cyfnod yr hyfforddiant ar ddata perfformiad ysgolion”), gwblhau—

- (a) Rhan 1 o’r hyfforddiant ar ddata perfformiad ysgolion os yw’n llywodraethwr ysgol gymunedol, ysgol wirfoddol, ysgol sefydledig neu ysgol feithrin a gynhelir; neu
- (b) Rhan 2 o’r hyfforddiant ar ddata perfformiad ysgolion os yw’n llywodraethwr ysgol arbennig gymunedol.

(1A) Pan fo llywodraethwr ysgol gymunedol, ysgol wirfoddol, ysgol sefydledig neu ysgol feithrin a gynhelir sydd wedi cwblhau Rhan 1 o’r hyfforddiant ar ddata perfformiad ysgolion yn unol â’r Rheoliadau yn dod yn llywodraethwr ysgol arbennig gymunedol, nid yw’n ofynnol i’r llywodraethwr hwnnw gwblhau Rhan 2 o’r hyfforddiant ar ddata perfformiad ysgolion.

(1B) Pan fo llywodraethwr ysgol arbennig gymunedol sydd wedi cwblhau Rhan 2 o’r hyfforddiant ar ddata perfformiad ysgolion yn unol â’r Rheoliadau yn dod yn llywodraethwr ysgol gymunedol, ysgol wirfoddol, ysgol sefydledig neu ysgol feithrin a gynhelir, nid yw’n ofynnol i’r llywodraethwr hwnnw gwblhau Rhan 1 o’r hyfforddiant ar ddata perfformiad ysgolion.”

(1) O.S. 2013/2124 (Cy. 207).
(2) ISBN-978-1-4734-1569-0.

Darpariaeth arbed

3. Nid oes unrhyw beth yn y Rheoliadau hyn yn gymwys i lywodraethwr a gwblhaodd, cyn i'r Rheoliadau hyn ddod i rym, yr hyfforddiant ar ddata perfformiad ysgolion fel a nodir yn nogfen 2013.

Huw Lewis

Y Gweinidog Addysg a Sgiliau, un o Weinidogion

Cymru

20 Awst 2014